



# Synfocity = 1011

mail us at : mzsynfo@gmail.com; mizoramsynod@gmail.com - Phone - 2314648

November 13, 2025

## ❑ Synod Executive Committee (SEC)

November 11-13, 2025 chung hian Synod Executive Committee (SEC) vawi 315-na chu J.M. Lloyd Hall, Synod Office-ah an thu a. Meeting hi Rev. R.C. Lalnghakliana, Synod Moderator-in a kaihruai a, Upa Vanlalsawma Siakeng, Synod Secretary-in report a pe a, Rev. Dr. K. Lallawmzuala, Finance Officer-in report a pe bawk.

Secretary report-ah hian Tedim hla bu buaipui sak a nih thu te, Mizo mipa thi rate sang mek tih ziaawm dan kawng zawna atana Bookmark leh Leaflet peih fel a nih thu leh Kohhran tinah a copy sem a nih tawh thu te, October 2-5, 2025 chungna PYF 25th Biennial Conference cum Golden Jubilee, YRC, Falkland-ah neih a nih thu te, Bangalore North Kohhran indan anih thu te leh Health Care chungchanga Mizoram Synod leh Mizoram Sawrkar nen inremna thuthlung ziah a nih thu te tarlan a ni.

Tun tumah hian thurel tura chhawpchuah 67 a awm a, chung zingah chuan Executive Secretary-te hna chanpual ennawn chungchang te, ATC Principal leh MTC Principal thlan chungchang te, PC Girls School Headmistress thlan chungchang te, Synod Pension Dan 2024 en that chungchang te, Home hrang hrang nasa zawka tanpui chungchang te, Asia chhimchhaka Pastor rawngbawl dan tur kaihhruaina chungchang te, SL&PB inkaihhruaina chungchang te, Synod Press Building chungchang te, Sikulpui Headmaster tur chungchang te leh Kristian Hla Bu ennawn chungchang te chu a langsar zualte an ni.

## ❑ KṚP

November 8 & 9, 2025 chung khan India ram khawpui lian KṚP Meet Vawi 2-na neih a ni a, Delhi Kohhranin an thleng. India ram khawpui lian KṚP Meet hi kum 2023 khan khawpui liana Branch hruiute tangkhawmin an lo huaihawt tawh a, kumin hian changtlung zawka neih anih theih nan CKṚP-in a huaihawt a ni.

Meet hmanpui hian Mizoram atangin Synod puiate, CKṚP Committee, Mizoram Synod Choir, zaithiam pali leh Synfo team-te an kal a, India ram khawpuia Branch hrang hrang pakua atangin palai thahnem tak an tel bawk.

## ❑ Worship

November 13, 2025 (Ningani) hian Sakawrdai Bial KṚP Conductors' Training neihpuiin Pu Benjamin Sailo, Music Instructor a kal.

## ❑ MSSU

November 15, 2025 (Inrinni) hian Mualpheng Kohhranah Sunday School Zirtirtu training neihpui turin trainer-te, Upa K. Zoremsanga leh Upa Zionparlawma te an kal ang.

## ❑ Kohhran Hmeichhia

♦ November 11, 2025 (Thawhlehi) khan Serchhip District ami te tan Serchhip Kawnpui Kohhranah HIV/AIDS chungchanga Trainers' Training neih a ni a, Resource Person-te, Pi K. Vanlalrawni leh Pi Rallianthangi ten hun an hman.

♦ HIV/AIDS Trainers' Training neihpui turin Resource Person/Kohhran Hmeichhe Hruaitute hetiang hian an chhuak ang:

### November 13, 2025 (Ningani):

Lawngtlai District Resource Person : Pi Lalthansangi leh Pi Lalbiakzami

Champhai District Resource Person : Pi Vanlalnunsiami leh Pi Malsawmtluangi

### November 14, 2025 (Zirtawpni)

Saitual District Resource Person : Pi Lalthanzami leh Pi Rita Zonunmawii

### November 15, 2025 (Inrinni)

Hnahthial District Resource Person : Pi K. Lalrinpui leh Pi Lalsangluaii

Trainers' Training hi Central Kohhran Hmeichhe Committee ruahmanaa neih a ni a, District tinah a tahtawla neih tura ruahman a ni. HIV/AIDS chungchanga inzirtirna hi Kohhran Hmeichhe Inkhawmpui Lian 2025-in a rel, 'HIV/AIDS hlauhawmzia inzirtir' bawhzuina kal zel a ni.

❑ **Synod Bookroom lekhhabu tharte**

- ♦ Kum 2026 Nilai leh Beihruai thupui bu 'Mizo Kristian Hlate leh a phuahtute' : A man ₹ 120/-
- ♦ Kum 2026 Puitling Sunday School Zirlaibu 'Kristiante leh Ram Rorelna' : A man ₹ 100/-
- ♦ Kum 2026 K.T.P General Conference Hla Bu : A man ₹ 60/-, ₹ 80/-, ₹ 150/-

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Mualmam leh CTI	Damlo	2	₹ 20,000/-
2.	Chhiahtlang Venghlun	Damlo	1	₹ 10,000/-
3.	Vairengte	Damlo	1	₹ 10,000/-
4.	Kawngthar Veng	Damlo	1	₹ 10,000/-
5.	Venghnuai	Damlo	1	₹ 10,000/-
6.	Thingsai	Damlo	1	₹ 10,000/-
7.	Darlawn Chhimveng	Damlo	1	₹ 10,000/-
8.	Hmunghak	Damlo	1	₹ 10,000/-
			<b>Belh khawm</b>	<b>₹ 90,000/-</b>

❑ **Hruaina Eng TV Programme**

- 13.11.2025 (Ningani)** 08:30 pm : Thupui zir bing
- 14.11.2025 (Zirtawpni)** 05:00 pm : Kristian Naupang Pual
- 15.11.2025 (Inrinni)** 05:30 pm : Puitling Sunday School Zirlai
- 16.11.2025 (Pathianni)** 07:00 am : Sermon - Upa Lairochhunga  
08:00 am : Weekly round up
- 18.11.2025 (Thawhlejni)** 06:00 pm : Nilaini zan thupui  
08:30 pm : Kohhran Chanchin - Lungleng I Kohhran

❑ **FM Zoawi - Aizawl & Lunglei : Hruaina Eng Radio Programme**

**November 14, 2025 (Zirtawpni) @ 7:30 p.m. :**

**Solo :** H. Lalhruaitluangi - Ka engkima ka engkim, **Zaipawl :** Hnathial 'N' Bial Zaipawl - Lal ropui ber, **Thusawi :** Rev. Dr. C. Lalramchhana - Ka hlutna, **Solo :** Lalengvari Sinate - Lalpa chu ka berampu, **Zaipawl :** Luangmual Bial Zaipawl - I thlazar hnuaiah

❑ **Moderator leh Executive Secretary-te Programme :**

**Rev. R.C. Lalnghakliana, Moderator Prog:**

- Nov. 15, 2025 Serchhip Chhimveng Biak In hawn
- Nov. 16, 2025 Vaphai Bial
- Nov. 21, 2025 ATC College day
- Nov. 23, 2025 Ngopa Bial

**Rev. V.L Luaia Hranleh, Senior Executive Secretary Prog:**

- Nov. 16, 2025 (Zan) Lawipu Kohhran
- Nov. 21, 2025 ATC College Day
- Nov. 22, 2025 AR Kohhran Jubilee hmanpui
- Nov. 23, 2025 Bethlehem Vengthlang Kohhran

**Rev. Dr. K. Lallawmzuala, Executive Secretary Prog:**

- Nov. 14, 2025 FG&CC Programme
- Nov. 17, 2025 Women Centre-a zir tur interview
- Nov. 21, 2025 MSSU Naupang Pual Committee

**Rev. Dr. Rosiamliana Tochhawng, Executive Secretary Prog:**

- Nov. 15-16, 2025 East Phaileng Bial Pavalai Pawl Intawhkhawm
- Nov. 21-22, 2025 Chakma Convention - Marpara North

**November 18-20, 2025 chhunga Synod Finance Committee-ah Moderator leh Executive Secretary-te an thu ang.**